

"মিষ্টি বাচ্চারা :- তোমরা শোনা কথার উপর বিশ্বাস কোরো না, যদি কেউ তোমাদের অযথা কথা শোনায়ে তাহলে এক কান দিয়ে শুনে অপর কান দিয়ে বার করে দিও ।"

প্রশ্ন :- যে বাচ্চারা এই জ্ঞানের আনন্দে থাকে তাদের লক্ষণ কি ?

উত্তর :- তারা এই খুশির নেশায় তাদের পুরোনো কর্মভোগের হিসাব-নিকাশ চুকিয়ে দিতে থাকে। জ্ঞানের খুশিতে তারা এই দুঃখ, দুর্দশার দুনিয়াকে ভুলে যায়। তাদের বুদ্ধিতে এই কথাই থাকে যে এখন তারা খুশির দুনিয়ায় যাচ্ছে। রাবণের শাপে তারা দুঃখী হয়েছিলো, এখন বাবা এসেছেন তাদের দুঃখ-যন্ত্রণার দুনিয়া থেকে বার করে সুখের দুনিয়ায় নিয়ে যেতে।

গীত :- তোমায় পেয়ে আমরা ...

ওম্ শান্তি । মিষ্টি -মিষ্টি রুহানি বাচ্চারা এই গান শুনেছে। এই গান শুনে অবশ্যই বাচ্চাদের মনে রোমাঞ্চ আসবে কারণ বলা হয়, খুশির মতো খাদ্য নেই। এখন তোমরা রুহানি বাচ্চারা বেহদের বাবাকে পেয়েছো। বেহদের বাবা তো একজনই, আর বাচ্চারা জানে যে যখন আরো বাচ্চারা এখানে আসবে তখন তাদেরও মনে রোমাঞ্চ জাগবে। তোমরা জানো যে একসময় তোমাদের রাজত্ব ছিলো, সেই রাজত্ব তোমরা হারিয়ে ফেলেছো, এখন আবার সেই হারানো রাজ্যের অধিকার লাভ করতে চলেছো। ভারতবাসীর জন্য এতো খুবই খুশীর খবর। অবশ্য তখনই সেই খুশী আসবে যখন এই জ্ঞান খুব ভালোভাবে শুনবে এবং বুঝতে পারবে। এ হল বরাবরের জন্য খুশী কারণ প্রতি কল্পেই শিববাবা এখানে আসেন। এই গায়নও আছে যে শিববাবার জন্ম এই ভারতেই। যত ব্রত বা উত্সবের কথা বলা আছে সবই এই সময়ের। বাবা এসে তোমাদের খুব সহজ রাস্তা বলে দিচ্ছেন। মানুষের অনেক ধরনের শোক, দুঃখ আছে, কিন্তু এখানে এই জ্ঞানের খুশী থাকলে সেইসব শোক, দুঃখ হারিয়ে যায়। যেমন কোনো অসুস্থ মানুষ সুস্থ হবার পর বাড়ি ফিরলে সকলেই খুশী হয়। তখন এই রোগের যাবতীয় দুঃখের কথা মানুষ ভুলে যায়। স্বামীঘর, শ্বশুরঘর, মিত্র সম্বন্ধী সকলেই এই খুশীতে মেতে ওঠে। তোমরা বাচ্চারা জানো যে, তোমরা এই বিশ্বের মালিক ছিলে, পরবর্তীকালে তোমরাই আবার রাবণের দ্বারা শাপিত হয়েছিলে। এই কলিযুগ হল দুঃখের দুনিয়া। আবার আগামীকাল তোমাদের জন্য খুশীর দুনিয়া অপেক্ষা করছে। খুশীর দুনিয়াকে যদি তোমরা সবসময় স্মরণ করো, তাহলে সমস্ত দুঃখকেই তোমরা অতি সহজে ভুলতে পারবে। এই দুনিয়া হলো তমোপ্রধান দুনিয়া। এখানে অনেক প্রকারের কর্মভোগ করতে হয়। অবলা নারীদের উপর কতো অত্যাচার হয়। এখানে মানুষের জীবনে অনেক প্রকারের বিঘ্ন এসে উপস্থিত হয়। এই বিঘ্ন আর কর্মভোগের দিন আর অল্প সময়ই বাকি আছে। বাবা তোমাদের ভরসা দেন যে, অল্প দিন বাকি আছে। আগের কল্পেও একই ঘটনা ঘটেছিলো। এখানে সমস্ত কর্মের হিসেব নিকেশ শোধ করতে হয়। তাই এই জ্ঞানের খুশিতে থেকে কর্মের হিসেব নিকেশকে এর মধ্যেই চুকিয়ে নাও। কেবলমাত্র বাবা আর তাঁর বর্ষা বা সম্পত্তিকে স্মরণ করতে থাকো। কোনোরকম উল্টোপাল্টা কাজ করো না। তাহলেই তোমরা শাস্তি পাবে এবং তোমাদের পদও ব্রষ্ট হয়ে যাবে। বাচ্চাদের কাজই হলো বাবাকে স্মরণ করা। বাবা

বলেন যেআমাকে যদি তোমরা স্মরণ করো তবে তোমাদের বিকর্ম বিনাশ হয়ে যাবে । সমস্ত হিসেব নিকেশও শোধ হয়ে যাবে । বাকি অল্প সময় আছে , তাই তোমরা তোমাদের হিসেব নিকেশ শোধ করে যাও কারণ তোমরাই হলে অন্ধের লার্টি । তোমরা নিজেরাও স্মরণ করো আর অন্যকেও এই পথ বলে দাও । বিদ্বান তো জীবনে অনেক আসবে । যতটা পারো মানুষকে বোঝাতে থাকো যে, তোমরা সকলে বাবাকে স্মরণ করো । এই অক্ষরেরও কতো নাম বা গুরুত্ব । " মনমনাভব " অর্থাৎ হে আত্মারা, তোমরা আমাকে স্মরণ করো তাহলে তোমাদের অতীতের বিকর্ম ভস্ম হয়ে যাবে । এতে দ্বিধা থাকার কোনো কথাই নেই । শুধুমাত্র বাবাকে স্মরণ করলেই তোমরা তমোপ্রধান থেকে সতোপ্রধান হয়ে যাবে । তোমরা জানো যে তোমরা ৮৪ জন্মের চক্র পূর্ণ করেছে । এই চক্র তোমরা পূর্ণ করেছে আবার ভবিষ্যতে পূর্ণ করবে । এ হলো পুরোনো দুনিয়া আর পুরোনো শরীর ...তাই একে ভুলে যেতে হবে । এই ভুলে যাওয়া হলো আত্মাদের বেহদের সন্ধ্যাস । লৌকিক দুনিয়ায় হলো হদের সন্ধ্যাস যেখানে মানুষ ঘর বাড়ি ফেলে সন্ধ্যাসী হয় । তাদেরও এই বিশ্বনাটকে পাট আছে । আবার এই জিনিসেরই পুনরাবৃত্তি ঘটবে । প্রতি সেকেন্ডে যা যা হয়ে গেছে নাটকে সেই নাটকেরই আবার পুনরাবৃত্তি ঘটবে । শাস্ত্র হলো ভক্তিমার্গের পুস্তক । ভক্তির পরে আসে জ্ঞান । এই সিঁড়ির ছবিতে অপর কাউকে বোঝানো খুবই সহজ । মুখ্য যে ছবিগুলো তা তোমরা ঘরেও রাখতে পারো । ত্রিমূর্তির ছবিও খুবই পরিষ্কার । সবার উপরে শিববাবা আছেন । ব্রহ্মা, বিষ্ণু, শংকরও আছেন , এনারা সুস্বপ্নবতনবাসী, আর সবার উপরে অর্থাৎ সর্বোচ্চ হলেন ভগবান । বাচ্চারাও বোঝে যে যেখানে বাবা থাকেন সেই জায়গাই হলো আমাদের আত্মাদের থাকার জায়গা, যাকে নির্বাণধামই বলা বা শান্তিধামই বলা একই কথা । শান্তিধাম নাম ঠিক অথবা নির্বাণধাম অর্থাৎ বাণী বা শব্দের থেকে অনেক দূর তাকে তো শান্তিধামও বলা যায় । ওটা হলো শান্তিধাম, তারপরে তোমরা যাবে সুখ আর শান্তির সম্পত্তি ধামে । তারপর আস্তে আস্তে সেই দুনিয়াই দুঃখ আর অশান্তিধাম হয়ে যাবে । সুখধামে তো করুণার সাগর বাবার অপার সম্পদ থাকে । আজকে কি আছে আর কালকে কি হবে ? আজ কলিযুগের শেষ আর কাল হবে সত্যযুগের শুরু । এ হলো রাত আর দিনের তফাত । ব্রহ্মা আর ব্রহ্মামুখ বংশাবলী ব্রাহ্মণদের দিন আর রাত, এমন কথাও প্রচলিত আছে । দিন অর্থাৎ সত্য আর ত্রেতায় থাকেন দেবতারা আর রাত অর্থাৎ দ্বাপর আর কলিযুগে থাকেন শূদ্ররা । আর মাঝের এই সঙ্গম যুগে থাকো তোমরা , ব্রাহ্মণরা । এই সঙ্গম যুগের কথা কেউই জানে না । এই কলিযুগী মানুষতো ঘোর অন্ধকারের মধ্যে আছে । তাই এই কলিযুগী মানুষদের অন্ধকার থেকে আলোর দুনিয়ায় নিয়ে যাওয়া তোমাদের বাচ্চাদের দায়িত্ব । এখন তোমাদের সামনে মহাভারতের লড়াই আছে এমন গায়নও আছে যে বিনাশকালে বিপরীত বুদ্ধি সব নাশ করে । আর এই বিনাশকালে প্রীত বুদ্ধি বিজয় লাভ করে । তোমরা বাচ্চারা জানো যে, বাবা আমাদের আবার নতুন করে সেই রাজত্ব দিতে এসেছেন । আর আমাদের এই রাজত্ব কেউই ছিনিয়ে নিতে পারবে না । রাবণ অর্থাৎ বিকার তো সেই দ্বাপর যুগে প্রবেশ করবে । এই রাবণই তোমাদের রাজত্ব কেড়ে নিয়েছিল , তাই তাকে শত্রু বলা হয় আর শত্রুরই কুশপুতলিকা জ্বালানো হয় । রাবণ বা বিকার অনেক পুরোনো শত্রু । মানুষ বলে যে রাবণ রাজ্যে কিন্তু কারোর বুদ্ধিতেই এই কথা ঢোকে না । তাহলে একে তো ঘোর অন্ধকারই বলা হবে । এই বেহদের শিববাবা হলেন জ্ঞানে পূর্ণ । তাঁকে জ্ঞানের দাতা বা দিব্যনেত্রের বিধাতা বলা হয় । এখন তোমরা বাবার থেকে এই জ্ঞানের তৃতীয় নয়ন প্রাপ্ত করেছে । এর আগে তো তোমরা কিছুই জানতে না । এখন সবই তোমরা জানতে পেরেছো । বাবা হলেন জ্ঞানের সাগর, তাই তিনি অবশ্যই জ্ঞানের কথাই শোনাবেন । জ্ঞান না শোনালে কি করে প্রমাণ হবে । তোমরা জানো যে বাবা তোমাদের জ্ঞানের কথা শোনান এবং সেই জ্ঞানের দ্বারাই তোমরা অর্ধেক কল্পের জন্য সঙ্গতি প্রাপ্ত

করো । আবার অর্ধেক কল্প ভক্তির প্রথা চলতে থাকে । জ্ঞানের দ্বারা সঙ্গতি তোমরা এই সঙ্গম যুগেই লাভ করো । এই সৃষ্টির কোনো কথাই আর বাম্বাদের কাছে লুকানো নেই । বাবা বলেন যে, কোনো খারাপ কাজ তোমরা যদি করে ফেলো, বাবাকে বলে দাও । বাবা জানেন যে অনেকের দ্বারাই খারাপ কাজ হয়ে যায় কারণ এ হলো রাবণ রাজ্য । মায়া তোমাদের জোর ধাক্কা মারে কিন্তু অনেকেই তা লুকিয়ে রাখে । বাবা বলেন যে কোনো ভুল যদি তোমাদের দ্বারা হয়ে যায় তবে ততক্ষণাত বাবাকে তোমরা জানিয়ে দাও তাহলে সামনে এগিয়ে যাবার যুক্তি তোমরা বাবার কাছ থেকে পাবে । নাহলে এই পাপ বৃদ্ধি হতে থাকবে । কাম হলো মহাশত্রু । বাবাকে তোমরা লিখে জানাও যে ...বাবা, মায়া প্রচুর বিরোধিতা করে । তোমরা কেউই সবসময় যোগে থাকতে পারো না তাই মায়া থেকে বাঁচতেও পারো না । দেহঅভিমান তোমাদের বারে বারে এসে যায় । অনেকেই আছে যারা এই মায়ার চড় খেয়েছে । বাবার কাছে সবদিক দিয়েই এই খবর আসতে থাকে । খবরের কাগজে তো কতো ভুল খবর ছাপা হয় । এখন তো মানুষ বানিয়ে বানিয়ে কতো কথা বলে কারণ এই দুনিয়া হলো তমোপ্রধান দুনিয়া । ব্যসদেবের যখন রজোগুণী বুদ্ধি ছিলো, তখন তিনি যে কত এমন-তেমন কথাই লিখেছেন । বাবা বাম্বাদের বুঝিয়ে বলেন যে এই ধরনের শোনা কথার উপর বিশ্বাস করে তোমরা যেন খারাপ হয়োনা । অমুকে এমন কথা বললো , এমন কাজ করলো...এই শুনেই তোমাদের মাথা ঘুরে যায় । তোমরা বুঝতেই পারো না যে দুনিয়া হলো তমোপ্রধান । মায়া তোমাদের নীচে নামিয়ে দেবার চেষ্টা করবে । কেউ যদি কোনো মিথ্যে কথা বলে তাহলে এক কান দিয়ে শুনে অন্য কান দিয়ে বার করে দাও । অন্যদেরও এই কথাই বোঝাতে থাকো । বাবা বলেন যে আমি তোমাদের জন্য এই বিশেষ খবর নিয়ে আসি । সুতরাং, হে আত্মারা তোমরা বাবার শ্রীমতে চলো । আমার আদেশ শোনো । শুধুমাত্র আমাকেই স্মরণ করো । যারা আমাকে স্মরণ করবে তারা নিজেদেরই কল্যাণ করবে । এই স্মরণ কিন্তু আত্মাদেরই করতে হবে কারণ আত্মারাই সব ভুলে বসে আছে । এখন বাবার শ্রীমত এই হলো যে , তোমরা বাবার কাছে আশীর্বাদ বা দয়া, এমন কিছু চেয়ো না । কেবলমাত্র বাবাকেই স্মরণ করো আর কোনো কথা জিজ্ঞেস করবার দরকার নেই । এই সৃষ্টিচক্র কেমন করে আবর্তিত হয় ...এ তো তোমরা শুনেছই । এতে সন্দেহের কোনো কথাই নেই । বাবা ঘোর অন্ধকারের সময়ই আসেন তাই মানুষ শিবরাত্রির উত্সব পালন করে । কৃষ্ণের জন্মরাত্রিও মানুষ পালন করে । এইসময় রাত্রে মন্দিরে ক্ষীর, পুরী ইত্যাদি তৈরী হয় । এখন শিবের জন্য তোমরা কি বানাতে ? শিব তো হলেন নিরাকার । কেউই জানে না যে বাবা কোন্ সময় আসেন আর কোন্ সময় কিভাবে চলে যান । সবসময় তো তিনি কারোর শরীরে প্রবেশ করেন না । তিনি আসেন আবার চলেও যান । এখন তোমরা জানো যে তোমরা হলে শিববাবার পৌত্র অর্থাৎ নাতি । বরসা বা সম্পত্তি তোমরা তাঁর থেকেই পাও । ব্রহ্মাও তাঁর থেকেই বরসা পান । ব্রহ্মা তো হলেন মানুষই । সঙ্গতিতে প্রথম নম্বরে থাকেন ব্রহ্মা, যিনিই শ্রীকৃষ্ণ হবেন । এই কৃষ্ণ সকলেরই প্রিয় কারণ বাল্য আবস্থা থেকেই তিনি সতোপ্রধান । কিছু বড় হলে তাঁকে সতোগুণী বলা হয় । তারপর রজঃ আর পরবর্তীকালে তমো । শ্রীকৃষ্ণ এবং রাধাই, লক্ষ্মী - নারায়ণ হন, বাবা যাদের এই জ্ঞান দিয়েছিলেন, তাদেরই আবার এই জ্ঞান দেবেন । ভারতেই এই দেবী দেবতার রাজ্য ছিলো তাই মন্দিরও ভারতে অনেক বেশী । খৃষ্টানদের চার্চে তোমরা একমাত্র ক্রাইস্টকেই দেখবে । কিন্তু দেবতাদের দেখ কত মন্দির রয়েছে । বাবা এসেছেন আমাদের মানুষ থেকে দেবতা বানাতে অথবা ভারতকে স্বর্গ বানাতে । আমরা সকলেই বাবাকে স্মরণ করে পবিত্র তৈরী হচ্ছি । বাবার সঙ্গে সঙ্গে আমরাও ভারতকে স্বর্গ বানাবার কাজে হাত লাগিয়েছি । যেমন আমরা বাবার সাথে হাত মেলাতে এসেছি । ভক্তিমার্গে দেবতাদের মন্দির, মূর্তি ইত্যাদির জন্য অনেক খরচ করা হয় । মূর্তি তৈরী করে তার পূজা করার পর বিনষ্ট করে দেওয়া

হয়। নয় দিনের মধ্যেই মূর্তি ডুবিয়ে দেওয়া হয়। এই পূজার মধ্যে মানুষের ভালোবাসা আর শ্রদ্ধা মিশ্রিত থাকে। কলকাতায় নবরাত্রি খুব ভালো করে পালন করা হয়। এখন এইসব কথা শুনে তোমাদের খুবই আশ্চর্য লাগে। আগেতো তোমরাও ওই পার্টধারী ছিলে। এইসবের জন্য কোটি টাকা খরচ করতে। কতখানি অন্ধশ্রদ্ধা তোমাদের ছিলো। রামায়ণের উপর তোমাদের কতখানি ভালোবাসা আছে। রামায়ণের কাহিনী শুনে তোমাদের চোখ দিয়ে জল গড়িয়ে পড়ে। এসবই ভক্তিমাগের কথা। এতে কোনো লাভ হয় না। বাবা এখন তোমাদের কতো বুঝদার বানিয়ে তুলছেন। এইসব শুনে সবকিছু ভুলে যেও না, সমস্ত কথাই স্মরণ করো। এখানে এসে এইসব কথা শুনে তরতাজা হয়ে যাও। নিজেকে তোমরা আত্মা মনে করো এবং দেহের সঙ্গে যাবতীয় সব সম্বন্ধকে ভুলে যাও। এখন এই দুনিয়া হলো কবরস্থান তুল্য। দিল্লী শহরে বিড়লা মন্দিরে এই কথা লেখা আছে যে ...ভারত পরিস্থান ছিলো, যা ধর্মরাজ স্থাপন করেছিলো। এখন তোমরা বাচ্চারা জানো যে এই দুনিয়া কবরস্থানে পরিণত হবে। বাবা বলেন যে ...সব কামচিড়ায় বসে আছে, চরম পাপে জলের জন্য হাহাকার করে মরবে। ক্রোধচিত্তা বলা হয় না, কামচিত্তাই বলা হয়। এই কামের নেশাও কখনো কম, বেশী হয়। বাবাই বাচ্চাদের এই কথা বুঝিয়ে বলেন। ঘরে যদি কোনো কুপুত্র বাচ্চা থাকে তাহলে মানুষ বলে ..এ কি বাবার সম্মান নষ্ট করছো! কুপুত্র হলে বাবার মান সম্মানের হানি হয়। বেহদের শিববাবা বলেন যে, তোমরা যদি মুখ কালো করো তাহলে যারা ব্রাহ্মণ কুলভূষণ দেবতা হতে চলেছেন তাদের বদনাম করবে। তোমরা বাচ্চারা জানো যে ...আমরা আমাদের পবিত্রতার শক্তির দ্বারাই ভারতকে আবার নতুন করে শ্রেষ্ঠাচারী দেবতাদের দুনিয়া বানাতে চলেছি। তোমাদের জন্য এ তো খুবই সাধারণ কথা। তোমরা দেখতে পাচ্ছো যে মহাভারতের যুদ্ধ অতি নিকটে এবং এর দ্বারাই স্বর্গের দরজা খুলে যাবে। শাস্ত্রে এই মহাভারতের লড়াইয়ের কথার উল্লেখ আছে। তারপরে কি হয়েছিলো সে বর্ণনা কিন্তু নেই। শাস্ত্রে বলা আছে প্রলয় হয়েছিলো। এদিকে একবার শাস্ত্রে বলা আছে যে কৃষ্ণের মায়ের গর্ভে জন্ম হয়েছিলো, আর অন্য আরএকটি মত আছে যে, কৃষ্ণ অশ্বত্থ পাতার উপর আঙ্গুল চুষতে চুষতে জলে ভেসে এসেছিলো। মানুষ কিছুই সঠিক বোঝে না। সত্যযুগে সবাই গর্ভমহলে থাকবে অনেক আরামের সঙ্গে। কৃষ্ণ কি কখনো সাগরের জলে পাতায় করে ভেসে আসতে পারে? এ তো সত্যিই অসম্ভব। সুতরাং, এইসব নাটক বানানো আছে, যা তোমরা সকলেই জানো। প্রতি কল্পেই এই ঘটনার পুনরাবৃত্তি হয়। এখন তোমাদের বাচ্চাদের নিজেদের কল্যাণ করতে হবে আর সঙ্গে সঙ্গে অন্যেরও কল্যাণ করতে হবে। এটাই হলো আসল কথা। শিববাবা হলেন স্বর্গের রচয়িতা। তাঁকে বলাই হয় হেভেনলি গড ফাদার। তাহলে আমাদের বাচ্চাদের অবশ্যই স্বর্গের মালিক হতে হয়। শিবজয়ন্তীও ভারতেই পালন করা হয় তাহলে বাবা অবশ্যই ভারতকে কিছু দিয়েছিলেন তাই ভারতবাসীরা এই শিবজয়ন্তী পালন করে। এখন বাবা তোমাদের স্বর্গের বাদশাহী দিচ্ছেন। শিববাবা হলেন সন্নতিদাতা। জ্ঞানের সাগর বাবা এসেই তোমাদের এই জ্ঞান দান করেন। এখন বাবা তোমাদের সেই জ্ঞানই দান করছেন। ৫ হাজার বছর বাদে তিনি আবার এখানেই আসবেন। বাচ্চারা নিশ্চিত যে, যারা যারা এই ব্রাহ্মণ কুলের কেবলমাত্র তারাই এখানে আসবেন। আচ্ছা। মিষ্টি - মিষ্টি সিকিলধে / হারানিধি বাচ্চাদের প্রতি মাতা - পিতা, বাপদাদার স্মরণ, ভালোবাসা আর সুপ্রভাত। রুহানি বাবার রুহানি বাচ্চাদের নমস্কার।

ধারণার জন্য মুখ্য সার :-

১) বাবার শ্রীমতে চলে নিজের এবং অন্যের কল্যাণ করতে হবে । কেউ কোনো মিথ্যে কথা বললে শুনেও না শুনতে হবে । সেই কথায় প্রভাবিত হয়ে বিগড়ে বা খারাপ হয়ে যাওয়া চলবে না ।

২) কখনোই যেন দেবতা হতে যাওয়া ব্রাহ্মণ কুলভূষণদের নাম বদনাম করা চলবে নাএই খেয়াল অবশ্যই রাখতে হবে । কোনরকম বিপরীত কাজ করা যাবে না । অতীতের সমস্ত কর্মের হিসেব - নিকেশকে শোধ করতে হবে ।

বরদান :- শরীর থেকে পৃথক থাকার অভ্যাস করে সকলকে ফরিস্তা রূপের সাফাত্ করানোর জন্য নিরন্তর সহজযোগী হও ।

যেমন কোন্ বস্ত্র আমরা পরিধান করবো বা করবো না তা যেমন আমাদের নিজেদের হাতে আছে, ঠিক এমনই অনুভব এই শরীররূপী বস্ত্রের সঙ্গে করতে হবে । যেমন এই শরীররূপী বস্ত্র ধারণ করে কোনো কার্য সম্পাদন করলাম আবার সেই কার্য সম্পাদন হওয়ার পরে শরীররূপী বস্ত্র থেকে পৃথক হয়ে যেতে হবে । শরীর আর আত্মার যদি চলতে ফিরতে পৃথক অনুভূতি হয়তখনই বলা হবে নিরন্তর সহজযোগী । শরীর থেকে এমনভাবে পৃথক থাকা বাচ্চাদের দ্বারা অনেক আত্মাদের ফরিস্তা রূপ আর ভবিষ্যতের রাজ্যপদের সাফাত্কার হবে । অন্ত সময়ে এই সেবার দ্বারাই সবাই প্রভাবিত হবে ।

স্লোগান :- সঙ্গম যুগের এক সেকেন্ড সময় নষ্ট করার অর্থ হলো এক বছর সময় নষ্ট করা ।